



Sámi allaskuvla

Sámi University of Applied Sciences

OAHPPOPLÁNA

DAVVISÁMEGIELA CEALKKAOAHPPA

10 oahppočuoggá

1. OAHPPPOVTTADAGA NAMMA

Sámegillii: Davvisámegiela cealkkaoahppa

Dárogillii: Syntaks i nordsamisk

Eangalasingillii: Syntax in North Sámi

2. OPPALAŠ DIEĐUT OAHPU BIRRA

- **OAHPPPOVTTADAGA KODA:** SÁM 104

- **VIIDODAT:** 10 oahppočuoggá

- **OAHPU LÁGIDEAPMI:** Neahttadoarjjaoahpamus: eanaš neahttaoahpamus, dasa lassin fysalaš deaivvadeamit Sámi allaskuvllas, Guovdageainnus.

3. OAHPPROGRÁMMA GULLEVAŠVUOHTA

Sámegiela ja sámi girjjálašvuoda bachelorprográmma.

4. SISABEASSANGÁIBÁDUSAT

Dábálaš sisabeassangáibádusat alitoahpahussii ja sámegielmáhttu. Sisabeassanvuodđu sáhtá leat juogo oppalaš lohangelbbolašvuota (čadahan joatkkaskuvlla/logahaga) dahje reálagelbbolašvuota. Oppalaš lohangelbbolašvuoda gáibádusat olgoriikka ohcciide bohtet ovdan NOKUTa GSU-listtus.

Sámegielmáhttu. Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđáigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuota man dási gelbbolašvuota ohccis lea, de ášši ovddiduvvo fágalaš árvoštallamii ja meannuduvvo dán vuodul.

Dasa lassin studeanta galgá leat čadahan SÁM 102 Davvisámegiela morfologiija ja cealkkaoahpa (10 oč) dahje vástideaddji oahpu.

5. OAHPAHUSGIELLA

Davvisámegiella.

6. SISDOALLU

Davvisámegiela cealkkaoahppa guorahallá davvisámegiela cealkkaráhkadusa ja -mearkkašumi. Guovddážiis lea cealkkaosiid čilgen, daid ráhkadusat ja mo dat laktásit oktii gihppun, cealkkan ja

dajusin. Árbevirolaš skuvlaoahppogirjjiid čilgenvugiid lassin gullá dán fáddái maiddái oahpásmuvvat sámegeiela ođđaset fágagirjjálašvuoda čilgenmálliide.

7. OAHPPANJOKSOSAT

Čađahuvvon oahpu manjel lea studeanta oľahan čuovvovaš oahppanjoksosiid:

Studeanta

- máhtá govvidit ja čilget sámegeiela cealkkaoahpa vuđoleappot go dábálaš skuvlaoahppogirjjiin
- máhtá govvidit ja čilget sámegeiela cealkkaoahpa eará láchkai go dábálaš skuvlaoahppogirjjiin
- diehtá mo ja manin sánit ja daid sojahanhámit laktásit oktii gihppun, olles cealkkan ja ain stuorát goalloscealkkan
- máhtá analyseret cealkagiid ja daid osiid ráhkadusa
- máhtá guorahallat cealkkaoahpa giellagáhttema geahččanguovllus
- dovdá iešguđetlágan váldogielaide váikkuhusaid hástalusaid riikkarájáid rastá.

8. OAHPAHAN- JA OAHPPANVUOGIT

Oahpahus lágiduvvo sihke logaldallamin ja semináran main vurdojuvvo ahte studeanttat oassálastet aktiivvalaččat. Sohppojuvvon bagadallandiimmuin studeanttat ja oahpaheaddji guorahallet ovttas fágalaš áššiid.

9. GÁIBÁDUSAT BEASSAT EKSÁMENII

Kursii gullet vihtta geatnegahtton hárbjehusbarggu. Barggut sáhttet leat dábálaš bargobihtát dahje eará čálalaš hárbjehusat maid studeanta máhcaha oahpaheaddjái. Okta bargu galgá leat guhkibuš čálus mii ovdanbuktojuvvo oktasaš semináras.

Geatnegahtton barggut galget leat dohkkehuvvon ovdal go studeanta beassá eksámenii.

Sámegeiela ja sámi girjjálašvuoda studeanttas vurdojuvvo, ahte son čállá sámegeiela giellaoahpalaččat riehta.

10. EKSÁMEN

Njealji (4) diimmu oktagaslaš čálalaš eksámen. Eksámen árvoštallojuvvo bustávvaárvosániin (A-F).

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

Privatisttain ii leat vejolaš váldit dán oahpu, geahča muđui U/A lága § 3-8 (2).

12. KVALITEHTASIIHKKARASTIN

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát/geatnegasvuodát studeanttain lea árvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvoštallojuvvo evaluerenčoahkkimis ja studeanttat devdet árvoštallanskovi oahpu loahpahettiin. Ásahusdásis oahppu árvoštallojuvvo studeantaárvoštallamiid, eksámenraporttaid, sensorraporttaid ja fágaraortta vuodul.

13. LOHKANMEARRI

Lohkanmearri dohkkehuvo sierra.